

Održana radionica „Razmjena iskustava i najbolja praksa u okviru Projekta GIVE“

25.05.2026 10:41



U organizaciji Federalne uprave za geodetske i imovinsko-pravne poslove, u periodu od 21. do 22. maja 2026. godine, u Hotelu Han održana je radionica posvećena razmjeni iskustava i najboljih praksi u okviru Projekta unapređenja geoprostorne infrastrukture i procjene vrijednosti nekretnina (GIVE). Pored predstavnika FGU-a, radionici su prisustvovali i šefovi zemljišnoknjižnih ureda iz gotovo 30 općinskih sudova u Federaciji Bosne i Hercegovine, kao i zemljišnoknjižni referenti angažovani na poslovima sistematske uspostave i/ili zamjene zemljišne knjige.

Tokom dvodnevnog programa predstavljene su dorade softvera e-Grunt, kao i najznačajnije aktivnosti koje se realiziraju u okviru Projekta GIVE. Posebna pažnja posvećena je razmjeni iskustava i diskusiji o ključnim izazovima sa kojima se zemljišnoknjižni uredi susreću u procesu sistematske uspostave i/ili zamjene zemljišne knjige. Među najznačajnijim temama izdvojena su pitanja državne imovine i postupanja zemljišnoknjižnih referenata, uz osvrt na praktične primjere, dosadašnja iskustva i primjenu dobre prakse u postupcima pojedinačne uspostave zemljišne knjige.

Učesnici radionice još jednom su naglasili važnost kontinuiranog stručnog usavršavanja i jačanja

kapaciteta zaposlenih u zemljišnoknjižnoj administraciji, potvrđujući time zajedničku opredjeljenost svih relevantnih institucija ka efikasnijem pružanju usluga građanima i jačanju pravne sigurnosti u oblasti imovinsko-pravnih odnosa.